





N. Hemmingius
Assertiones
de
Providentia Dei.
Hafniæ 1577.




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 777 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 777 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 777 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 777 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 777 4°


3.-94.

40

LN 777

M





ASSERTIONES
DE PROVIDENTIA DEI,
IN DISPUTATIONEM PRO-

POSITAE,

A

NICOLAO HEMMINGIO

in Maio, Anno Domini

1577.

I.



1. *Si homini inaccessa est diuinæ pro-
uidentiae altitudo: tamen fides eius
ex verbo Dei concepta pijs est perne-
cessaria.*

2. *Nam vt nihil magis hominem
in officio continet, quàm pia proui-
dentiae diuinæ cogitatio: Ita de diuina prouidentia vel
dubitatio, vel Stoica imaginatio, paratissima ad omnem
iniquitatem via est.*

3. *Quoniam autem absolutam prouidentiae diuinæ defi-
nitionem dare non possum (quis enim hoc faceret?) sequen-
tem qualemcunq; descriptionem tenere vtile esse iudico.*

4. *Prouidentia diuina est facultas, qua Deus cuncta
præterita, præsentia, & ventura nouit, quaq; sustentat,
conseruat, disponit, moderatur, & dirigit omnia in suam
gloriam.*

5. *Complectitur itaq; prouidentia diuina duo, vides
licet, scientiam & actionem: Illa Deus omnia nouit*

A

per.

Non cel

Omnia

Omnia su-

Omnia ge-

uando agi-

sp. solentia

innat.

603

perfectissimè: Hac moderatur liberrimè vt ipsi soli gloria tribuatur.

6. Modos prouidentiae diuinæ tres esse, ex scripturis manifestum est: Horum primus Vniuersalis, secundus specialis, tertius peculiaris dici potest.

7. Vniuersalis prouidentiae diuinæ modus est, quo Deus, & naturam ipsam, & modum agendi naturæ in creatione inditum sustentat.

8. Cum itaq; alia agunt necessario, & eodem modo, alia liberè & diuerso modo, Deus vt naturam agentium, ita modum vtrunq; sustinet.

9. Ideo Augustinus ait: Deus sic administrat omnia quæ creauit, vt etiam ipsa proprios exercere & agere motus sinat, hoc est, vt singula sequi suas inclinationes permittat.

10. Hinc intelligitur error eorum, qui Deum esse autorem peccati fingunt. Deus enim nec vult peccatum, nec hominem ad peccandum impellit, etsi voluntatem hominis, in qua est libera *ὑποτάξις* (quæ se promiscuè habet ad obiecta) sustentat.

11. Quare Hieronymi dictum probo. Vtrumq; nos posse voluit optimus creator: sed facere tantum quod imperauit.

12. Cum igitur fit aliquid ab homine, contra præcepta Dei, vt natura hominis, ita modus agendi sustentatur à Deo, sed peccatum ipsum hominis est proprium: quod etsi non vult Deus, tamen permittit. Quia non vult destruere modum agendi, quem liberum dedit homini in

Crea

Creatione: ut & emineret eius dignitas, & probaretur obedientia.

13. Quare Plato rectè cum ait: ἀνία ἐλομεν, θεὸς ἀνίατος, κακῶν γὰρ ὁ θεὸς ὥστε ἀνίατος. Hoc est, culpa est elingentis, Deus est culpæ expers. Deus enim nunquam malorum autor est. Et Augustinus ait: Detestanda est opinio, quæ credit Deum cuiusquam malæ actionis, aut voluntatis esse autorem.

14. Etsi autem mala non ordinantur à Deo ut fiant: tamen cum facta sunt, seruiunt sapientissimæ prouidentiae Dei: idq. in bonum vel misericordiae, vel iusticiae, prout ipsi expedire videtur.

15. Hinc est quod Paulus dicit: Diligentibus Deum πάντα σωτηρίῃ εἰς ἀγαθόν. Et Hieronym: Omnia prouidentia Dei reguntur, et quod creditur esse pœna, medicina est.

16. Longè proinde aliud est ordinare mala ut fiant, quàm ea cum fiunt seu facta sunt ordinare, id est, ad aliquè congruum finem dirigere: Hoc Dei est, illud minimè.

17. Hoc Vniuersali prouidentiae modo complector, & eum, quem quidam vocant κατ' οἰκονομίαν, cum videlicet Deus efficaciter ea quæ ordinauit sustentat & adiuvat: & eum quem vocant ἢ συγχώρησις, qua Deus quæ non ordinauit permittit, sed non adiuvat.

18. Hæc συγχώρησις & permissio causa est contingentiae in rebus, & libertatis voluntatis in homine, qua homo saepe sua culpa eligit, quæ Deus prohibuit.

19. Specialis prouidentiae modus est, quando Deus suo consilio & arbitrio, præter ordinem generalem aliquid

A 2

molitur,

molitur, & adducit creaturas in obsequium suum, ut maxime expedire videtur.

20. Ad hunc prouidentiae modum, pluuias, tempestates, grandinem, siccitatem, serenitatem, abundantiam, famem, bellum, pacem, exilium, pestem, morbos &c. refero: ut haec sint iusticiae diuinae & bonitatis instrumenta.

12. Hoc ita esse Deus sua voce testatur in Leuitico, cap: 26. Si in praeceptis meis ambulaueritis, & mandata mea custodieritis, & feceritis ea, dabo vobis pluuias temporibus suis, & terra gignet germen suum &c. Quod si non audieritis me &c. perterrefaciam vos tumoris plaga, & febre ardente, frustra seretis sementem, quae ab hostibus deuorabitur: Ponam faciem meam contra vos, & corruetis coram hostibus vestris.

22. Peculiaris prouidentiae modus est, quo Deus uiuit & regnat in Ecclesia. Fideles erigit, fouet, consolatur: operatur velle & perficere: inspirat precandi affectum, & efficit ut in praeceptis suis ambulemus.

23. Sic enim dicit apud Prophetam Dominus: Aufe-
ram cor lapideum de carne uestra, & dabo vobis cor carneum, & spiritum meum dabo in medium vestri, & faciam ut in praeceptis meis ambuletis. Ezech: 36.

24. Cor lapideum est animus durus non cedens verbo Dei. Cor carneum est animus mollis per spiritum Dei creatus, cedens verbo Dei. Ut enim animus hominis ante regenerationem totus lapideus est, non quidem substantia sed qualitate: Ita in regeneratione nouus efficitur: nam paulatim vetustatem deponit, & nouitatem induit.

Atq.

25. Atq. sic paulatim excuitur vetus homo, & induitur
nouus. Vtriusq. enim capax est homo ψυχικός constans ani-
ma & corpore. Qui nequaquam ratione substantiæ suæ est
peccatum: Sed conditione quadam peccator corruptus &
reus est.

26. Hoc admodum concinnè docet Theologus Græ-
cus, cum ait: τὸ μὲν ὑποκεῖμενον ἐπ' ὅτι, τὰ δ' ἐνδύματα δύο:
τὸ δ' ἐκδύμενον, καὶ τὸ ἐπιδύμενον. Hoc est, subiectum qui-
dem vnum est, sed indumenta duo: vnum exuendum, alte-
rum induendum. Quid potuit aptius dici? Subiectum ipsum
hominem facit. Sed veterem hominem & nouum hominem
accidentia esse statuit, idq. ex doctrina Pauli, qui iubet vt
deponamus veterem, & induamus nouum hominem.

27. Porro vt prouidentia diuinæ cogitatio nobis
dulcior euadat, duo sunt nobis adhuc expendenda, videli-
cet: Quis sit prouidentia diuinæ finis, & Quis legitimus
eius vsus.

28. Finis prouidentia duplex statui potest: Prior,
vt nos totos Deo commendemus, eum timeamus, diliga-
mus, inuocemus, & prædicemus. Posterior, vt in rectè
factis securi simus, nec frangamur animis, quicquid vel
diabolus, vel mundus nobis minatur. Habemus enim
Deum, autorem, patronum, testem, iudicem, satisq. po-
tentem vindicem.

29. Legitimus vsus prouidentia diuinæ guberna-
tur duabus regulis. Harum prior est, quòd tam in præ-
teritum quàm in futurum considerata sit prouidentia
Dei.

30. Si ad tempus respicis præteritum, diuinæ prouidentie adscribes, quicquid vel prosperi vel aduersi tibi contigit: sed diuersimodè.

31. Nam si quid prosperi contigit, habes causam cur Deum celebres tuæ prosperitatis autorem: At si quid aduersi accidit, duo facies: Primum cogitabis cum Iob: Sicut Domino placuit, ita factum est: Et cum eodem erumpes in hanc vocem: Sit nomen Domini benedictum. Deinde actæ vitæ subeat memoria, vt ex pœnis tibi inflictis peccata tua agnoscas & emenderis: Vt ex animo cum Dauide dicere possis: Bonum est mihi Domine, quod humiliasti me. Item, Priusquam humiliarer ego erravi.

32. In tempus autem futurum, rectè prouidentiam Dei cogitaueris, si ad promissiones & comminationes diuinas respexeris. Nam si præceptis diuinis obtemperas, habes promissionem benedictionis: Si contumax fueris aduersus Deum, comminatio maledictionis tibi est proposita, vt vel resipiscas, vel ruas in deterius.

33. Hinc homo ad fidei, timoris Dei, inuocationis, patientiæ, & aliarum virtutum profectum excitatur, vt quotidie magis in recto cursu, donec ad metam peruenierit, proficiat. Habet enim in conspectu veræ beatitudinis portum.

34. Vehementer proinde peccant, qui ex diuinæ prouidentie cogitatione venenum sugunt sua culpa, & torporem carnis inde confirmant. Nequaquam enim carnis torporem: sed fidei quietem, nobis diuinæ prouidentie cogitatio adferre debet.

Poste.

35. Posterior regula est, quod Deus interdum per media, nonnunquam contra omnia media, aliquando absq; medijs suam prouidentiam exequatur.

36. Si per media nobis prospicit Deus, accipienda sunt illa media, vt diuinæ prouidentiae instrumenta, & tanquam manus Dei, per quam nobis sua beneficia porrigit. Sed soli Deo beneficium acceptum feremus, non sine gratitudine erga media, per quæ nos iuuat.

37. Si absq; medijs nobis succurrit Deus, quemadmodum Mosen & Eliam absq; pane 40. dies sustentauit, ascribemus hoc verbo Domini, iuxta illud: Non in solo pane uiuit homo, sed ex omni verbo quod procedit de ore Dei.

38. Si contra media (ordinata intelligo) nobis Dominus prospicit: hoc est, cum nulla obstacula prouidentiam diuinam impedire possunt (sicuti tribus illis uiris in Babylonico fornacem coniectis, & Danieli leonibus obiecto, prospexit) Deum prædicabimus, & hominibus ipsius mirabilia opera narrabimus, vt nobiscum ad prædicandum Deum excitentur.

39. Breuiter: Prouidentiae diuinæ fides monet, vt militemus honestam militiam, vt retineamus fidem, vt tueamur bonam conscientiam, vt caueamus, ne vel in aduersis succumbamus, vel in prosperis efferamur: vt recto cursu pergamus ad metā. Breuiter: vt nos sapienti & paternæ prouidentiae Dei, in vero timore, inuocatione, gratiarum actione, obedientia, & patientia submittamus, expectan-

peccantes beatam illam immortalitatem, & vitam eternam, quam nobis Pater in Filio promiserat.

40. Hæc sobriè iuxta verbum Dei de providentia diuina cogitare iuuerit. Nam & religioni propagandæ vtilia sunt, & moribus profunt.

41. Contrà vero, qui providentiæ diuinæ altitudinem mensura sensuum & rationis suæ metiri volunt, & se & alios in inextricabiles labyrinthos inducunt, atq; in multa errorum præcipitia impellunt.

42. Nam omnia, etsi non apertis verbis, consecutionis tamen necessitate, quasi fato Stoico, hoc est, ineuitabili necessitati subijciunt, tollentes permissionem, & cum illa contingentiam in rebus, & libertatem voluntatis in homine. Quo dogmate quid quæso absurdius fingi potest? Et quid religioni & bonis moribus perniciosius?

F I N I S.

H A P N I A E.

Excudebat Andreas Gutterwitz.

1 5 7 7.



